

常山文集

一



八和6
2214
2



和 6
2214
卷 2

常山文集卷之一



權中納言從三位源朝臣綱條輯



詩

五言古風

醫友野間氏惕齋少年。偶遊余後園。即

席賦古風一篇。次韻二首

江城公務暇。相攸聊上幽。徐步過小徑。遠望
倚危樓。招客爲開宴。更酌兩玉舟。醉吟扣謝

眺。彷徨杜若洲。路邊西行柳。閨中豫章鷗。花朝兮月夕。遨遊春又秋。

公退傲後園。緩步弄閨幽。不勞友朋訪。相攜飲酒樓。登山靈運屐。乘興子猷舟。于飛一雙鷺。雪點綠水洲。石巖踞虎豹。風定眠鳧鷗。能樂智仁樂。怡然度春秋。

慶安四年辛卯春雨雪。次韻退之辛卯雪詩。且倣其體云。

慶安辛卯春。玄冥疑再歸。江東二月中。滿城

雪打圍。紛紛還片片。後園蝶共飛。煎茗思魯直。上瑞試一旂。窻梅復精神。白白似曹衣。隨風落檐間。輕舞學趙妃。天失四時序。物誤造化機。能歌張元方。賡載陳去非。塔前漸盈尺。麥雲預知幾。將同昌黎韻。且慚詩力微。

辛卯慶安辛卯春二月十一日之夜雪。達明猶甚。於是遠次韓退之詩韻賦古風一篇。賴林函三丈。以求雌黃於羅山先生。先生偶看之。乃加點竄。且又賜

和函三丈亦同依韻以寄之誠几前
之一奇掌中之片玉吟賞及數卷舒
不止輒復和成

辛卯春却寒柳眼誤青歸慶安如元和霏雪
四方圍輕於蝶翎翻散似鵝毛飛滕六轉白
戰蒼龍揚雲旂岫峭雷逼陽凍雲奪霞衣帶
暖不成花回風舞宓妃瞳瞳日升初織綃半
斷機時序變其常所憐物候非一望同一色
乾坤更幾幾庾嶺欲妬梅先失却翠微

漢冬日雜吟
日月其逝矣過隙犇逸駒年光速代謝東流
水泔泔歲畢月窮紀地凍雉入淮月令之所
記都無毫釐差陰中一陽復萬物養根茲梅
蕾春一點清香暗穿裊踈影斜簷下黃雲擁
天街飛雪繽紛下冽風聲發颯凜凜肌生粟
殺氣入百骸賢君脫御衣苦寒與民偕隨時
閱武備驅除當道豺董遇有遺訓歲餘讀書
齋文史足可用方朔何優俳爐暖笑元寶一

杯醉茅柴。富貴本無用。如彼夢大槐。後貯千金財。前羅八珍腩。旦暮飽美味。洞房聚姪娃。皓齒伐性斧。長舌作厲階。浮雲過無跡。利祿黏壁蝸。只耽虛好靜。樂道任天倪。蕭然環堵裏。更無俗塵埋。茅茨偏不剪。三尺以土堦。天籟清心耳。微風落松釵。非金又非石。融融音克諧。隱几死灰冷。捲簾望眼揩。士峯秀雲表。玉成萬仞崖。書窻今猶古。孫康雪生涯。想像鄭繁驢。景入詩思佳。子建才七步。庭筠手八

又勤尋周雅古。勿聞鄭衛哇。我家椿萱在。致孝憶伯喈。楊香少年日。不恐於菟捩。聞說婦養姑。能力供珍鮭。卧龍久不起。南山豹隱靈。伯樂何常有。世不知渥洼。甚哉道之衰。歎息魯國楷。浮圖盛行世。狂說誑人皆。費地安諸佛。誦經如群蛙。斷絕五倫序。多與人事乖。韓公一去後。有誰復舐排。何時得艸偃。淳風仰盤媧。文房對四友。端坐述鄙懷。短才成不得。赧然愧吾儕。

本月某日詣先考之墓。上香再拜不忍
去。澍淚研墨漫筆。今年一七回也。寬文

七年
丁未

夙從水戶步。敬拜先考墓。纍纍碑空殘。冥冥
影不住。愁結起悲風。淚滴翻瀼露。瞬息七年
前。彈指如旦暮。

偶詠

神龍蟠九淵。鷓鴣巢一枝。就艸鹿擇音。戲藻
魚躍池。吾亦安容膝。愉愉又怡怡。夜息日出

起。食足不知饑。防寒重綿襖。忘暑袵細絺。物
我各有分。樂復奚疑爲。

敲冰煎茶探題分韻
得石字

敲冰煎建茶。花光凝淡白。蕭蕭不侵身。習習
正生腋。乘風通仙靈。關門厭俗客。臘天一掬
春。先欲借擔石。

駒籠別墅雜詠

相攸營茅屋。日靜執書讀。飢雀窺生臺。老鶯
歸幽谷。欬耳風聞松。擡眼窻洗竹。無友從遠

來。然能樂獨。

舟中偶作

放流淺艸東。片帆一陣風。酌酒侑交友。得魚叩漁翁。君看人間事。浮沉世網中。

九月十三夜會道軒。忽憶去年是夜宴。

常陽箕川亭有感。中山前備前守信治亭。

已遣繼華秋。月光浮談露。銀漢鎔金波。蒼狗脫白兔。賞始寬平時。詩起忠通句。去年又今年。賓主得奇遇。

遊太古山清音禪寺

我偶訪招提。入門漸亭午。松杉夾路傍。煙霞鎖梵宇。揭流有清音。指山似太古。復菴開洪基。法雲降慈雨。境寂孤猿馴。木密衆禽乳。邂逅藟苴僧。值遇方便父。暗聞懸河論。豁得披霧覩。七盃喫龍茶。一喝轟雷鼓。異端質大顛。締交扣韓愈。人世半日閑。亡慮忘八苦。

檐峯與我親。用洪武韻。

青松矗亂峯。翠屏圍寄宅。檐與孤雲親。居兼

六塵隔天曙。夜猶殘。山高日速。夕樂哉復奚疑。嗚乎永栖息。

松山旅會

在鷺子村探韻得有字

菊鬱松山松。翠色透戶牖。雨誤斯立吟。風傳伯牙手。行行縱旅情。物物皆我有。暫欲忘鄉愁。頻酌桑落酒。

高岡秋望。送伴資矩田中衛義歸江戶。

得月字

放眼後岡看。四面皆秀發。翠黛碎樹間。布帆

挂林樾。孤鷺飛頡頏。群鷗齊出沒。回首天一方。秋高屋梁月。

霖雨冬景如春

探眼耳鼻舌身意六字得舌字

一陽來復時。風微冰未結。楓勝二月花。竹高三冬節。山秃失蛾眉。日靜澁鶯舌。會友共淪茶。暖爐置春別。

九月十三夜

一年之月明。中秋與今夕。雲間數兔毫。天外生蟾魄。籬菊星沒芒。板橋霜無跡。偶會繼華

朋。夜終夜舉白。

前山紅葉

得滿字

放眼遠近峯樹間累虬卵山晒錦餘功風吹
火不暖寒林襲夕陽霜楓續景短紅笑我酡
顏燒葉再引滿

時秋積雨霽

得乍字

霖雨三四旬今日一晴乍雲收秋天高恁麼
這良夜夕陽始春西恒月穿窻射農夫鼓腹
歌人喜減米價聞鴈讀漢書燈火須親炙霜

輕楓染山節近菊繞舍顧眎皆佳境喫了凱
之蔗邂逅會緇素座闌傾爵竿我亦費醉吟
硯滴信筆瀉

元旦口號

元祿四年
辛未

歲歲被春役今年始得春寂然忘世事乞爾
葆天真斟醪代屠白開爐燔烏銀煙霞入痼
疾花鳥惱吟身廬有養生主門無納賀賓誘
枕快夢寐隱几放欠伸黃鸝忽出谷喚起止
丘人

七言古風

暮春偶作

惜春不止春寂寞。顧吾猶惜少年春。今日不
學有來日。年光如矢老頻臻。聞說往昔之賢
哲。能惜分陰樂天真。

水仙花

宓妃步水千歲昔。琴高乘鯉萬頃波。後菊先
梅清香發。玲瓏點點玉無瑕。金盞銀臺名不
虛。置酒籬邊醉眠花。

春之仲。月之末。與弟賴元賴隆。偕遊駒
籠林中。

杖藜徐步緩探春。盈曠逸興費吟呻。苗田白
鷺飛又落。竹林黃鸝來自馴。偃風秀麥浪灑
灑。抱石芳櫻雪續續。回首谷中多寶塔。高出
雲端九重輪。三遷何處問孟母。猶嫌僧舍占
四鄰。遙拜上野東照廟。歎息兩部習合神。
奚以素食換血食。靈兮元堅磨不磷。山頭歲
寒松呈節。湖面風微波。疊皺促歸鴻。鴈兩三

常山文集 卷之二
點坐有兄弟且懿親。桃花開處武陵客。更逢元亮欲問秦。疑是別有一天地。不知今日我何人。

辛丑元旦試筆述懷

寬文元年

戊戌春王正月朔。家君就國東海濱。我儕留守武江邨。夙起先謁太夫人。亥年旣罹私喪。變。去年偶遇故鄉春。三歲乖離背舊例。今歲喜祝拜兩親。兩親兄弟共團樂。一家和樂敘藝倫。天示嘉瑞臘底雪。宿麥連雲太平民。細

柳露霑士林上。殿閣風暖賀令辰。退營讀易明窻下。梅花現在程伯淳。靜酌屠蘇醉氤氳。戲試秃筆費吟呻。五木湯外誰沐浴。舊染之垢日日新。
平一翫月得古字
風度太虛月亭午。天外雲盡見林羽。同賞東西南北人。仰高八萬三千戶。酌酒又登庾亮樓。攀桂不假吳剛斧。對影勿效尋常看。殘篇讀來江泌古。

餘來白樂天四十七作浩歌行。余今正當其
壯年。仍次韻試新年之筆。聊寓微意。
三百六十昨夜畢。三百六十資始日。偶讀樂
天浩歌行。忽驚我亦四十七。年年歲歲又年
年。一事無成心悵然。惠風遠及筑波陰。武野
春光不違顏。物皆納新雖去故。老年存臻無
避處。富貴如夢復奚求。舊時壯容背我去。足
矣滿腹鼠飲河。年光混混不旋波。霜鬢日暖
白髮新。山頭雪消翠冠峩。梅花釀來却老酒。

秉燭夜遊酣且歌。酣歌更忘千歲憂。醉鄉別
是得春多。時乘暇日可行樂。暗數百年能幾
何。三月朔遊戶塚村園。席上戲賦古詩。似
座客題其篇曰。四不得。吟。皇土世
夜雨乍晴。麗日新。傍花隨柳賞良辰。非良辰
不得備興。非閒暇不得遊春。非歡伯不得忘
憂。非文友不得輔仁。二難既并。四美備。江山
艸木皆主賓。落合遙指坂七曲。法泉高聳塔

九輪風扣竹陰韻。虛籟鳥嘯樹間助吟呻。玉
 虹橫流板橋霜。浮香波暖水粼粼。青松獨不
 隨埋沒。白雪之白接芳鄰。緇素同參檐櫻下。
 淪茗舉白情交親。偷閒對花花一瞬。談露半
 日洗凡塵。逍遙遊思天地外。自是羲皇上世
 人。今日解脫無繩縛。暫時喜作雲水身。春色
 年年去還來。人生日日老荏臻。再會難期樂
 須極。君見樂極却傷神。不若隨時執厥中。悠
 悠自在樂天真。

常山弔竹陰軒釋日進

竹陰風惡不成蕩。日進茶菓尚來饗。生死轉
 輪羊鹿牛。深淺味法兔馬象。元有因悟有緣
 迷。勿被佛欺被祖廷。純一跳出本寂門。往也
 往也任意往。

和釋道祖詠梅

梅也不梵又不仙。卓立儒者獨凜然。馬公明
 道鏤馨德。何遜林逋摩吟肩。暗香扣戶風瀟
 洒。疎影橫窗月連娟。眠熟羅浮山下夢。候異

大庾嶺上天。座客舉盃傾斗酒。老漢作詩驚
四筵。將和金聲玉音句。難成陽春白雪篇。山
中無曆何以識。笑指一枝破臘前。

旅舍聞杜鵑

元祿七年甲戌在江戶作

旅程春暮綠陰生。底事叫天懸樹鳴。月暗空
山遊子慘。風音孤枕夢魂驚。刺腸歸去來兮
賦。砭耳不如歸去聲。寂寞杜鵑枝上雨。和愁
滴盡故鄉情。

常山文集卷之一終

常山文集卷之二



權中納言從三位源朝臣綱條輯

詩

五言律

歲暮

江城暮節天。靜坐思悠然。積雪月光冷。嚴寒
冰腹堅。臘容隨葉盡。春信自梅傳。四序一彈
指。空過二十年。

病中遇重陽

今日重陽節。人皆登翠微。牀頭欹枕見。髮上插萸歸。煎藥黃花發。倚窻白鴈飛。聊嘗桑落酒。獨祝更無依。

病中謝備之後州刺史服部氏寄菊花惠余菊數莖。厚意不為輕。剪朶瓶中插。嗅香枕上清。晚榮冷屈子。節後摘淵明。聞道能瘳病。丁寧拈落英。

常山慶安己丑仲冬。余與弟賴元陪家君南

南庭多逸興。走筆以戲簡

南庭多逸興。無處不逍遙。扶杖步山徑。吟詩過石橋。錦鱗波面戲。紅葉檻前飄。苦見松兼栢。歲寒覺後凋。

泛舟淺水長流

汎汎彼輕舟。涼風颯似秋。披襟鑿盛暑。回棹泝中流。醉舞弄浮蟻。漂搖恥白鷗。渾渾流不息。吾道亦悠悠。

送野言員赴常州

常山文集 卷之二
秋風吹未了。遊子去何之。同好比蘭蕙。傷情縮柳枝。一望千里月。百恨五言詩。先別待猶急。歸期幾許時。

謝羅山惠枇杷 并引

枇杷之為物也。其利人為不少焉。醫家之說曰。止渴下氣。能清肺熱。周祇之賦曰。負雪揚華。質貞松竹。味之玩之。則有衛生之術。有歲寒之趣。而今羅山先生見惠枇杷。實一籠感荷有餘。何賜加之已。咀嚼珍珠。

而不忍獼猴之慾。綴小詩一篇。聊代木瓜之謝。云
分惠枇杷實。珊珊顆滿盤。外施金色艷。內貯玉漿酸。葉葉垂驢耳。枝枝綴蠟丸。深蒙情意厚。慚愧謝之難。

今春避火於蒲田林中。地靜人稀。相攸。得雨卜幽。艸庵落成。於是坐卧偃側。自得美。自適。悠然漫筆。

地僻得嘉致。四鄰松竹高。月篩千畝影。風奏

五湖濤足矣。蝸營舍樂且。鷗集蒿。何羨輪奐美。只喜此堅牢。

雨中感春

茅屋捲疎簾。雨中春色添。殘花啼露重。巢燕苦泥黏。八景瀟湘夜。七年務觀檐。能詩我豈敢。默坐筆慵拈。

和宅生順松竹方外友詩韻

我廬山意深。林樾共森森。竹月分清影。松風有好音。亭亭高勁節。裊裊抱虛心。萬物皆朋

友。約堅百鍊金。

茲歲秋七月十八日。桑名城主朝散大

夫源定良卒于洛陽旅亭。余聞訃。傷

之。明曆三年丁酉

城主早辭世。忽登白玉樓。一朝從易簣。千歲欲藏舟。影暗桑名月。風悲華洛秋。皇皇求不得。雙淚潛然流。

初秋偶作

涼風助蓐收。蒲柳不勝秋。歸思張翰鱸。趣同

王祭樓。鷓鳴陰氣動。律轉火星流。暑退慮寒至。豫修卒歲謀。

開爐即興

十月竹爐開。烘烘楸堆。更懽和氣至。不識苦寒來。灰烏陰鏗撥。暖教元寶催。紅麟纔點雪。克已憶顏回。

賀武田正隆始獲男子

夢裏依呈瑞。掌中乍見珠。天生騏驎子。人得鳳凰雛。才茂杏千樹。壽爭椿一株。須期漸長。

日志學逐名儒

昔以明曆戊戌元日

舊臘避火於蒲田林中。于時家君就國故及此。

華甲今過半。屠蘇漸後斟。偶隨壯士列。未減少年心。松自夾門立。鳥初出谷吟。春來先陟岫。瞻望筑波陰。

寄友

昔日共相於。而今獨索居。登山延旅鴈。臨水問雙魚。千恨八行字。多情一片書。暮雲西望

久幾日于歸歟

昔日哭前羽林次將奧州太守藤原忠宗二

首

七月愁雲暗計音尤耐驚公終成鬼錄我為
作驢鳴交有金蘭臭親同骨肉情淚和秋雨
落潛爾濕冠纓

華年一聚塵哽咽仰蒼旻平治公之力恫瘝
者乃身偃風藩塞艸哭巷奧州民益友今亡
矣何依我輔仁

羊得青字

易牛吾豈敢三四養馴庭沙漠困蘇武漢家
舉衛青藩籬羸不觸躑躅醉無醒卜式牧天
下更令海內寧

伯父老大人命書生木菴作春雪詩余
弄翫之數矣且拜大人之賜遂次韻
以奉呈二首

黃雲朝散亂六出出梅餘稔歲見三白寒風
鳴兩車陽微鶯畧冷雪積兔園虛江上披蓑

處晚來盡不如
春雪呈嘉瑞萬邦慶有餘
鶴鷗慚素毳牛馬
困鹽車青殺艸彌茁
白生室尚虛而今誰授
簡千歲慕相如

蒲萄

九月蒲萄熟長蘂蔓衍垂
龍珠堆顆顆馬乳
涌離離叔達皆稱孝
孟佗不耐癡釀之為美酒
誰又把金卮

讀秋風辭

感秋辭尚切片影鴈南歸
黃葉蕭蕭落白雲
變變飛君臣歡飲宴
蘭菊秀芳菲嘆息茂陵
雨而今悔昨非

三月三日曲水泛觴修禊事

麗日重三節踏青春色深
羽觴飛洛水詩韻
屬山陰風暖紅桃綻
野閣黃鳥吟人皆修禊
事何不洗吾心

玉簾瀑

飛泉倒斷崖亂沫散微絲
白布懸空曝玉簾

穿岳垂。雷聲轟地軸。雲額拂山眉。千歲徐凝後。爲吾洗惡詩。

和釋慈忍詩韻 并引

久仰丰采。未遂披雲。渴心生塵。頃日得挹耿光。所謂亦既觀止。我心則降。苦聞風幡之論。互作敲推之勢。暫豁我心。茅唯恨相見之晚矣。他日師賦小律四十字。以寄之。三四讀不忍釋手。竟次韻者二章。予以呈獅子座下。云

塵垢浴光霽。芝蘭好與居。妙門闡般若。苦海拯淪胥。文澤霧中豹。玉跳山上魚。雲生於筆下。不肯借龍嘘。芳名霓望久。邂逅扣幽居。談美且清矣。志同借樂昏。祇林僧有鳳。法水眼如魚。演說度人我。何論大歲噓。

中秋簡座客

微雲皆卷盡。亭午月明樓。公遠擲空杖。袁宏遣興舟。如何今夜意。不似去年秋。對影旅窻。

下。舉盃消客愁。

遊角田川

長流分武總。兩國界東西。梅若有遺恨。業平曾詠題。白楊秋淡淡。青艸露淒淒。千歲悲風起。一聲都鳥啼。

竹

愛看綠猗猗。阿猷誰復追。日春金瑣碎。月映玉參差。露滴湘波淚。風吟淇澳詩。中虛能保節。君子有清姿。

環景樓 得羊字

勝日上樓望。四兼無尾羊。苦吟王粲賦。誰釣子牙璜。萬景爭排闥。微涼動近商。登臨長不倦。俗慮總相忘。

雪 得年字

甯別風吹雪。踏花馬不前。黃雲飛舊臘。翠浪舞明年。乘興問安道。按文扣惠連。平原同一色。擡眼浩無邊。

常山文集卷之二終

常山文集卷之三

常山文集卷之三

[Faint bleed-through text from the reverse side of the page]

常山文集卷之三

八月初度



權中納言從三位源朝臣綱條輯

詩

五言律塞其責却恐向風之勢雖魚目之

那珂港舟中作

黃梅時節雨三五待晴遊風度脹帆腹雲垂

傍艇頭水中魚潑潑天外浪悠悠枕藉聊堪

樂酌杯消旅憂

樂酒智積院泊如上人。偶訪我後樂園。晤語
 移時。敲推前席。纔得半日之閒。永締
 方外之交。明日蒙惠小律一章。披誦
 鏗鏘有金玉聲。就求賡和。強成俚語。
 以塞其責。唯恐狗尾之續貂。魚目之
 混珠。點削惟幸。

慙慙蒙枉顧。光彩照茅亭。談理點生石。學詩
 趨孔庭。煙焚青柳圃。風起白蘋汀。仁者無量
 壽。何論龜鶴齡。

賀道顯源老八袞初度

大田前備中守源
資宗致仕號道顯

八旬華誕節。南極示祥昭。願養期千歲。在官
 歷四朝。子孫承積慶。松柏秀清標。春酒介眉
 壽。年高德亦劭。遊旌櫻寺。稅駕杖藜步。老櫻今向榮。根蟠諸葛跡。花動
 義家旌。雲過香精舍。風和雨素翼。日長春易
 暮。樂只作麼生。

暮樂季秋念六日。順菴木下叟訪我後樂園。
 始挹芝眉。暫接清談。只恨相識之晚。
 矣。偶賦鄙言。以投几右。詩草相示。雖
 才名霓望久。既覲我心夷。相識無新舊。以文
 互切偲。菊高霜雪操。松逞棟梁姿。從此花之
 月。莫違後會期。

芙蓉

肅殺不能傷。芙蓉獨施妝。錦沾窗外雨。紅拒
 夜來霜。秋後呈光彩。風前結絳囊。池蓮雖敗

盡寒木逞穠芳

遊垂絲櫻下

線櫻絕比倫。袅娜滿庭春。花吐無煙火。條垂
 綴玉紳。清香黏墨客。墜緒繫遊人。不耐楚腰
 細。芳英舞艸茵。

去身送朝鮮國通信正使尹趾完

萬里勞來聘。三韓尋舊盟。衣冠皆駭矚。艸木
 亦知名。遽爾已臨別。黯然不盡情。鄉人若相
 問。文物屬昇平。

問文送朝鮮國通信副使李彥綱
 星軺持使節。敦好結交鄰。邂逅言雖異。慙慙
 情尚親。寄詩推李杜。分袂隔胡秦。今日君歸
 去。長為遠別人。

送朝鮮國通信從事官朴慶後

雞林交際久。銜命使扶桑。盛禮復難得。良緣
 不可常。綠陰辭舊里。黃菊感他鄉。殘夢屋梁
 月。相思幾斷腸。

堆土為山。坳地為池。艸木圍遶。魚鱗物

躍。於是拈筆吟歌。開宴勸醉。賢主嘉

賓。四美二難。誠千歲之佳遇也。余賦

五言唐律。以寓一時之感興云

窗外劔莓苔。眾花手自栽。鑿池清泛漱。疊石
 勢崔嵬。何處負山去。中庭縮地來。主人書倦
 讀。日日立徘徊。

見劔雲江君舊詩卷有感

永井信濃守大
 江尚長號劔雲

江君雖早世。名不朽郊原。月隱劔雲暗。風悲

蕙露繁。穴憂滂。注淚。橋立黯。銷魂。匱底遺文
在。讀來聲幾吞。

新樓秋望

今復起樓閣。八絃指顧中。欄干臨碧岸。檐角
切蒼穹。濯足長流水。開懷萬里風。悠然伸遠
望。能樂與民同。

富士山

分探心越禪師富士雪
添肥下一句為韻得添字

太古山頭雪。年年華髮添。倒懸雲母扇。高揭

水晶簾。二女舞言道。白鵬覓景濂。萬方皆仰
止。冰柱峙三尖。

初冬十一日梅竹墩大友兄訪予山莊

賦詩因次韻

大友新五郎源
義泰號梅竹墩

地幽人跡少。獨樂考槃寬。偶喜籃輿過。更忘
蓮漏殘。結交交尚淡。乘興興何殫。雅曲高砧
耳。撚鬚病和難。

驢馬

小驢霓望久。幸到自高麗。鳴憶戴良孝。騎吟
鄭縻詩。聞音分早晚。得句作敲推。老後愛其
靜。何求千里騏。

曾聞駿府有冬櫻。予渴望也久。府吏大
久保君分惠一根。培之灌之。且視暮
撫。今冬始華。不堪愛玩。賦五言一律。
以戲簡之。

白櫻冬爛熳。一樹漏春慳。奉詔長真膽。尋芳
掖上山。香凝雲片片。葉茂雪斑斑。造化私天

巧。此花獨駐顏。

貞享丁卯元旦

海內時無事。春遊忘止戈。嫩鶯含梵唄。新蝶
舞天魔。霞助行頭色。風吟戲子歌。呆然如木
偶。默坐養陽和。

春有仁德

春王仁德廣。僉曰四三皇。習習惠風暢。熙熙
麗日長。民蒙寬大詔。物點化工妝。天寵降恩
露。艸萊盡向陽。

春日會梅花下禁體

年後被寒逼。此花獨逞妝。北南私物候。開落異春光。白鶴橫窓瘦。黃鸝踏雪香。風搖枝上玉。不敢聽瑯瑯。

別墅雜詠

擇地蒲田北。占居江戶東。長松懸素月。脩竹扣清風。視世眼生白。顧年顏退紅。歡從營葺屋。永作主人翁。

牡丹窩大友兄遊吉元常宅玩殘菊即

席賦五言律。余感其敏才。他日次韻

似之。

大友孫三即源親里號牡丹窩

就荒三徑。下來賞傲霜辰。青眼忘年友。芳情終日親。酒筵開有秩。菓茗雜而陳。詩律皆高雅。細評叩杜彬。

浮舩淺艸川。翫岸上藤花。

尋藤遊淺艸。解纜放江干。水影倒羅帶。岸頭我紫冠。慨歎二鼠齧。屈曲長蛇蟠。梢似玉繩。

引不維春日殘
九日偶懷

逆旅登高會。開懷萬里風。大津翻浪白。薄葉
歷霜紅。獨秀一枝菊。孤飛片影鴻。三盃桑落
酒。興入醉鄉濃。

大津薄葉

二村名

發礪原

且發礪原驛。行程雨不收。望山滔霧海。橫路
揭川流。泥滑没人跡。雲低傍馬頭。愁霖猶未

霽。連日恐妨遊。

落葉

秋老霜楓晚。斜陽映錦茵。追風飛彩蝶。遶徑
疊紅鱗。林缺山排闥。葉疎月作鄰。春花驚落
木。光景轉奔輪。

季秋念日。吉元常和予題落葉詩。吟之
翫之。琅琅璨璨。於是再步前韻。以述

綠岡雜興云

君子林中趣。燒紅酌醉茵。楓衰漁錦色。松老

起蒼鱗。窻聚孫康雪。溪尋杜甫鄰。蕭然茅店裏。不羨美哉輪。

題白藤花

風温藤卷幄。亂縷拂庭清。盤曲白蛇結。參差粉蝶輕。冠纓垂刺眼。佩玉動無聲。滋蔓縱纏木。莫率諛佞名。

心越禪師投短律一篇。賀予致仕歸常州。卽席賡芳韻。

將結香山社。挂冠辭洛陽。身兼塵世遠。心與

野雲長。寂爾書牕靜。恍然燈影雙。考槃巖谷士。鼓腹食虞唐。

謝男九成遠寄紅牡丹。物體

牡丹三兩朵。遠寄富閉幽。日炙珊瑚樹。天香錦繡毬。魏紫不能奪。馬紅亦可羞。壁間添國色。旦暮慰吟眸。

鄰寺避暑。用洪武韻

偶攜三四友。避暑梵王宮。地靜心逾靜。興濃情亦濃。池無田蚡熱。室有少林冬。樹密隔天

日開懷般若風

致仕明年秋之仲。鎌倉瑞泉禪寺大忠

西堂振錫遠來。叩我西山柴扉。喜迎

共語。閨中又得一閑。席上被示一律

因繼其韻。以似猥座下

法水泉呈瑞。派流自義玄。說來門乍啓。話舊

座相連。句美藍田王。和難白雪篇。夢窻窻外

凡萬古。一燈傳

別賦一律。餞其行裝

高僧飛錫至。空谷喜茫然。方外懷懷一。四床
了了元。風來為掃地。水淡閑談禪。愧我非仁
者。送師無以言。

江林禪寺仙洲長老訪我山莊。卽席賦
入川八一章。見寄焉。於是次其韻。

偃息西山下。清閑足一丘。山重千岫疊。雲遠
四鄰浮。扇挂風扇月。枕涼夏枕流。讀書消白
日。不欲學而優。

季夏遊勝樂精舍白蓮池畔

乘涼過勝樂。蓮發吐清香。葉捧碧羅笠。花傾
白玉觴。出泥浮兔影。割雪罩蜂房。酒賑遠師
社。更斟興未央。

息上大方高岡安積覺偶來會

遠人偶來止。解后喜相逢。話舊多情密。上高

萬景供。稻田翻翠浪。松蔭冷金風。終日屢斟

酒。更澆磊塊胸。

宿石塚旅館

前程三十里。泥滑沒蹄痕。遙指小松寺。宿投

石塚村。雨過秋色冷。風動市聲喧。高枕不能

寐。終宵扣酒尊。

再用前韻和安積覺

杖藜敲丈室。步履印苔痕。裳濕黃花露。錦橫

紅葉村。山深遊世外。境靜避塵喧。談密交情

密。共傾般若尊。

舟中即事

放船夕景好。直下久慈川。鴈字寫沙上。漁蓑

晒日邊。風微曾偃水。波靜棹穿天。一醉一尊

酒。豫遊忘世緣。

禪智院通上人。暫挂錫。久昌談林。已已

之秋。辭歸之鄉。今茲癸酉仲冬。為修

先妣追福。請為導師。事竣而去。臨別

揮淚。作詩代贐。

昔從萍水散。寒暑五回移。倒履情猶密。盍簪
心則夷。一朝師復去。再會我難期。今也老頓
逼。切於往歲悲。

次韻堀田一宜別莊所揭心越禪師詩

曾欲結。蝸廬。沙村刈草。燕遷喬。鶯谷出。起塞
鴈南圖。一鏡窻前挂。片帆雲外孤。遙思年少
事。蝶夢老翁鳧。

元祿甲戌之仲春。予蒙鈞命。寓武江。聞

五月。啓西堂。忠西堂來訪。旅舍歡迎。

執手。垂青。話舊。未幾各還山。下官賦

小律一章。寄兩西堂。兼簡覺室月堂

云

振錫武江邊。引吾共旅筵。忽逢何忽別。同出

不同還。獨對屋梁月。幾望日暮天。師今侵暑去。風露用心專。

遣大串元善于京師。搜索殘編斷簡。孟

冬上浣。發軔江府。臨祖帳。贈律詩。

淡交風月友。詩酒幸相於。艸艸離群鹿。時時寄鯉魚。就家求覆醬。穿壁搜遺書。他日子歸日。幸來武帝車。

龍泰禪院種月師。頃訪予江左。僑居茗話未央。匆匆而去。信口賦詩。臨別為

僑居驚啄木。相邁共心夷。聞法攀烏鉢。開眉接紫芝。孤雲歸舊岳。千里寄生涯。傾瀉袋田瀑。請君洗我詩。

戶塚村即事二首 得籬字

既從離舊里。全視四時移。避鬧石川去。探幽戶塚來。遠鯨度野寺。斥鷃翔藩籬。知足何求外。地閒好養癡。熟思遊樂古。瞬息八年茲。今歲又來止。往時

不識之。松高風曼瑟。梅瘦月橫籬。曝背斜陽夕。凭牕撚白髭。

乙亥元旦 元祿八年

宿醉臘餘酒。足哉何外求。煙霞皆我有。花鳥是朋儔。暖發告春曆。老催藏壑舟。年來來去。無喜又無愁。

東風縑柳送野傳歸江戶。

疊浪紗窻下。日溫柳影輕。條柔何繫馬。葉少不藏鶯。露濕黃裳重。風縑翠線縈。春愁千萬

縷。縮出別離情。

蓮池即事

蓮發西山下。探支世上秋。迎風傾碧蓋。抽浪躍紅毬。翠管清香度。玉盤白露浮。池邊橋上宴。對酌拂吾愁。

賀九成四十初度

始仕富春秋。宦途挹大猷。功名長不朽。人世久難留。勿謂顏回短。奚為彭祖籌。我聞仁者壽。何願亦何求。

夜宿江畔寺得深字

寺在遠江畔。四檐疊翠岑。僧煎茶出迓。客取酒更斟。殿古煙霞鎖。境幽歲月深。清談沾玉露。較覺滌塵襟。

季秋念八日。過江林禪寺。庭有長松四

五株。翠蓋蔽檐。銀濤清耳。賦短律一

章。似仙洲長老。

秋日訪幽寺。松圍綠疊層。風音吹浪起。境致入門增。清蔭約禪社。淡梢避俗朋。為明如所

誤分助最初燈

遊西明寺

度嶺分白雲。富景養清貧。窻廓涵東海。樓高摘北辰。鳥禽啼近客。猿鹿狎求人。泉有潮音響。派流洗俗塵。

和知苗題摩訶衍庵韻

容膝把茅庵。安於險處參。而今聞善宿。何日共清談。與樂單丁寂。孰分法味甘。請師姑挂錫。益友好求三。

秋山如妝


我苦秋陽晒。徐徐依牖窺。雲間橫翠黛。霜氣促胭脂。山聚西施美。月凝姑射肌。悠然遙放眼睛好。雨還奇。

緇素交會

緇素兩三輩。今宵交盃簪。座間飛逸興。爐底撥溫談。松嫺垂青色。杯盈浮白酣。味禪清齒頰。喫了永餘甘。

常山文集卷之三終

常山文集卷之四



權中納言從三位源朝臣綱條輯

詩

五言律

三月十一日玩櫻花於伊藤友親亭
今日催櫻會。遶檐錦疊霞。林頭呈妖艷。天口吐芳葩。何擊明皇鼓。未來邵子車。好培根灌。水羽翼此飛花。

友親參預國政故寓微意

陪嚴有公十七年忌法會敬上香退
灑淚不堪哀慕恭綴俚詞以伸鄙懷
從有公辭世破瓜加一年感時過眼鳥懷
舊斷腸鶻執政纔三十浴恩者數千音容常
在目淚滴洒昊天

遊大田蓮華寺賦僧房夏景

夏日偶侵暑凭筇一佛場梁高巢燕語樹密
老鶯藏境靜心還靜風涼身亦涼幸斟甘露

水洗我惡詩腸

和大忠西堂僧房夏景韻

乘涼遊此寺寺在翠微間竹洗薰風奏苔深
午院閒賦詩文韻脚酌酒色衰顏清話拂塵
慮豁開玄妙關

遊村松觀月昇東溟

扣鞍遊此地空藏殿堂新月出村松海風清
正木濱雲橫雲碎玉浪動浪淘銀設席白沙
上終宵酌醉醇

土。藏。村。松。村。有。虛。空。
藏。堂。正。木。湖。名。
五。木。客。夜。宿。黑。澤。村。

離家數十程。黑澤暫留行。村狗向人吠。宿鳥
噪。月。鳴。砧。聲。添。客。恨。燈。影。照。孤。惻。輾。轉。不。能
寐。幾。回。鄉。夢。驚。

酒。泉。弘。偶。訪。予。西。山。時。維。重。陽。節。晤。語
之。次。賦。小。律。簡。座。客。

久望鴈音少。來賓喜既遭。未枯武野艸。始悴
西山毛。幸是重陽節。自登斷岸高。偶然須以

燕。對。酌。菊。花。醪。報。味。快。宜。對。開。莊。此。以。殊。矣。

宿常寂光寺

行行山路昏。投宿扣桑門。梵唄清心耳。曉鐘
驚夢魂。燈幽膏冷焰。酒盡枕空樽。四大皆吾
有。如何借了元。

野亭即興二首 在潮來村

偶登此一丘。多景射雙眸。鯨吼響長勝。鳥飛
破總州。拈毫何苦意。酌酒共消愁。今日樂須
盡。有誰期再遊。

常山文集 卷之四 (三)
驅景扣山丘。物皆烟著眸。和詩吟白雪。打酒牧青州。天籟風驚夢。雨絲春織愁。年年如有意。相約幾來遊。

上巳之節。攜緇素四五輩。遊松倉山大聖教院。寺在山之半腹。攀巘巖度羊腸。放眼遠境。櫻桃杏梨。亂漫處處。就中庭前芳櫻。木古圍大。奪人眼。於是拈筆亂道。

春色盈山野。乘時扣梵宮。櫻開珠抱石。桃笑

火燒空。分葉松間雪。傳香蘭若風。花惟方外友。相矢意無窮。

湖上遠望 笈政武亭

杖藜遊此地。今日上高臺。仙桂千波影。菱花一鑑開。金鱗浮躍躍。白鳥淨皚皚。放眼四維外。樂哉亦快哉。
和會三比丘。巖谷山即興。探幽巖谷下。遶寺水聲微。窻照真如月。風敲般若扉。霧迷沾積翠。山兀止斜暉。佳境膠行

客。彷徨不許歸。

季春十八日觀神崎寺櫻花

山櫻春引杖。步扣梵王宮。埋綠松間雪。散花
蘭若風。幢幡翻白動。瓔珞帶香濃。人世幾回
日。頻斟樂可窮。

六月四日攜緇友素朋四五輩遊久昌

寺塔頭是作房。山幽地靜佳致適意。

於是投鉛槧賦小律

偶遊山寺下。引杖緩過庭。挑盡一燈火。讀殘

八卷經。窻含松栢綠。門對稻梁青。蟬蛻人間
事。心閑我忘形。

和僧卽中賀予誕日詩

忝臨蓬華下。欸曲接光風。顧我如朱槿。有誰
比赤松。更斟甘酒旨。醉嚼壽詩濃。今歲者希
過。既知命漸窮。

夏月

皎兮山上月。光彩玉前楹。不見流螢影。唯聞
喜鵲鳴。雲收涼氣爽。夜靜露華清。久雨乍晴

後書窗始得明

山家秋興

得清字

灑露艸庵裏。寒蛩遶枕鳴。透簾涼氣細。入座月光清。宋吐悲哉辨。歐驚來者聲。夜長嘆老矣。輾轉夢難成。

鹿島宗長蓄唐蓮。今年始生雙頭。七月

二十一日予觀焉。偶啓和尚來會。共

愛花賀瑞。各述志以韻云

芙蓉今示瑞。分艷共同莖。大小色爭美。夷齊

香益清。紅衣浮水潔。綠蓋受風輕。池浸蓮不影。雙雙花弟兄

南山寺翫十三夜月

山深霜葉早。引杖扣經禪。地靜桂花會。星稀

籬菊邊。衰揚今夜月。壓倒仲秋天。一鏡二分

缺影盈萬八千

鈴木勇山隱士。水戶城西七八里許。築

別墅。家林中。號勇山。有飛泉。曰聽水

巖。後園曰祐養園。構小庵。曰遠塵軒。

皆心越師所揭也。余一日遊于此。隨

見隨聞。信手信筆。漫道以寄主云

適意勇山致。考槃寂寞濱。耳清聽水耳。仁輔
樂山仁。日靜近仙境。軒幽遠俗塵。浩然遊物
外。祐養彼天真。

早梅

斗南行極日。窮次一陽來。委地碎金菊。篆林
小字梅。清香殘臘動。芳藁忍冬開。月盡橫斜
影。寒窻春暗催。

舟中偶作

含風帆滿腹。多景飽無邊。舟逝分離水。棹搖
衝破天。雲間賓鴈到。沙上獨鷗眠。聊就酒家
貫。一盃了萬緣。

予偶過潮來村。寓石田昌長宅。庭有長
松樹。礪礪鬱蒼。千年之物也。予羨為

羈宿石田宅。亭亭庭有松。倚陰忘九夏。凌雪
秀三冬。偃蓋來巢鶴。盤根驚卧龍。能持君子

操等受大夫封

二月十四日佐原道中

潮來棹小舟。波上士峯浮。飽滿長汀腹。高擡老子頭。送寒風萬里。閱歲雪千秋。自入宋瀛

典移入三國。尤

舟中偶作

常陽波逆浦。壯觀甲東關。微動風紋浪。半消雪綵山。築波築水上。浮島浮雲間。環景黏行客。止舟不許還。

喜晴

雲外雷車輾。電鞭扣竹扉。雨晴巖泚頽。池溢水添肥。於物群魚躍。于飛巢燕歸。四山分潤色。檐滴碎斜暉。

重以夏蟲

探題

納涼林樾上。蟬發最高枝。朝噪庭槐嘒。夕鳴宮樹噫。稍生行客恨。輕蛻羽人尸。孺子昔時諫。好遺千歲規。

涼風至

探題

晚來乘灝景，幸杖步郊墟。籬菊花猶未，并梧
葉落初。風涼鳴蟋蟀，天朗躍蟾蜍。永夜親燈
火，牕前好讀書。

菊體

重九復重九，清香助豫游。白衣送酒去，玄蟻
滿盃浮。片片雲含雪，熒熒星欲流。霜輕猶未
素，高節一叢秋。
喜逢秋末閏，望減二分時。雲走漏孤影，天高

桂半規，星稀荒徑菊。月照傲霜枝，亦復繼華
宴會朋，屢舉卮。

山家紅葉

日暖霜林下，霞衣襲錦袍。葉零迷蟻穴，木密
散猩毛。地冷風猶冷，山高秋益高。紅楓繼短
晷，更不借焚膏。
天曙書窗下，雲興飛玉龍。夜聞蠶咬葉，曉見
鶴巢松。寒鎖載陽日，鹽翻薄暮風。我今方外

士。無奈_レ賑_レ民窮_レ。迎致常寂周上人。董三

元祿己卯之歲。昧堂講席之日。詠和歌以述志。予再

為韻賦律詩一章。以代疏云。賦律詩

山上宗風起。飛揚最大乘。學寬含雪月。法水

辨。溜澗高照暗。迷路勤挑大智燈。迴狂瀾。既

倒。陶冶萬方僧。

舟中口號

風帆龍鷁走。止棹放吟眸。船向西南沂。水分

左右流。篆沙漸片雁。翻雪散群鷗。遙縱悠然

眼。舉盃以豫游。

賀中院前亞相古稀初度

七旬華旦月。南極爛儲精。轆轤蒲輪輾。欣欣

槐木榮。嚴霜高氣節。藝圃擅歌名。仁者元惟

壽。何為羨老彭。

四月四日。佐治元達始謁我艸庵。茗話

之次。綴短律以戲云

巖栖深谷裏。不意雅賓臨。松古傾青蓋。水流
知玉音。黃鶯求友語。玄蠃助孤斟。既滴清談
露。斯須洗我心。

山家紅葉

倚窗縱四顧。斜日炙丹楓。短景天難暮。殘霞
澗飲虹。霜林浴露麗。風葉滌秋濃。早接冬山
睡。醉妝枕破紅。

病中偶作二首

地僻無人訪。茆然獨樂天。挑愁燈火下。煎病

藥爐邊。眠少添宵永。情空了世緣。曾吞駢拇
恨。奚不促終焉。

久被煙霞犯。日衰倦屈伸。誰求湯藥力。曷寄
水滸身。命本有前定。病元感宿因。願將醫國
手。開域壽斯民。

常山文集卷之四終

常山文集卷之四
 常山文集卷之四
 常山文集卷之四
 常山文集卷之四
 常山文集卷之四
 常山文集卷之四
 常山文集卷之四
 常山文集卷之四
 常山文集卷之四
 常山文集卷之四
 常山文集卷之四

常山文集卷之五

今莫至暴天盡歎古勉

權中納言從三位源朝臣綱條輯



詩

風漸起千內直若月正圓

七言律

臘月三日。賜官暇狩于總州小金邑林

銜。王身懇款之至。謝之有餘。遊獵之際。不能

銜。王身懇款之至。謝之有餘。遊獵之際。不能

銜。王身懇款之至。謝之有餘。遊獵之際。不能

銜。王身懇款之至。謝之有餘。遊獵之際。不能

行露侵霜早曉天。同胞並轡共于畋。馳思造
父王良範。穀幕由基后。弄弦講武專。傳韜畧
術。修交欲比漆膠堅。回頭延佇眼無極。忽寄
詩篇意快然。

次韻藤圖書頭復冷泉家尋任羽林且

賦內直詩

冷泉鳴玉斷聲久。一派琅琅再續音。世上從
今莫巫暴。天邊復古使君霖。朝趨禁闕露恩
露。夕向書窻惜寸陰。餘力吐詩傳萬里。篇篇

句句讀驚心

中秋月

三五良宵四美全。此時迎客發芳筵。中秋爽
氣風漸度。千里清輝月正圓。太液池邊光皎
潔。日新齋裏影嬋娟。何須今夜會嵩岳。對酒
遙懷李謫仙。

戊子元旦試毫

慶安元年

人統云來已履端。嚴君兄弟共團圓。延齡更
酌傳生酒。逐疫先嘗却鬼丸。專射圍碁童稚

戲打毬飛羽。女兒歡。春風一陣。硯冰解。覓紙題詩。初試翰。

南呂二十四日。與友人秉燭夜遊。于時

探五首題。各分千崖秋氣高。五字為

韻。余題節前菊得千字。

黃菊新開八月天。探支九九獨紛然。遊蜂課蜜東籬下。舞蝶停車西吹前。屈子餐英能守節。魏文摘藻欲延年。秋來更覺富佳景。遶舍金錢幾萬千。

已丑仲冬。夜雪徹明未止。偶讀東坡居

士書北臺壁詩有感。追和二首

同雲漫密掩金鴉。飛雪滿顏依輔車。向曉斜斜誇玉樹。隨風片片散銀花。子猷乘興山陰夜。太祖重茵趙普家。遙慕游楊俱侍立。奚為慧可忍寒又。滕六呈祥玉編織。寒威慘慄朔風嚴。孰臨達畔似連璐。何擬空中更撒鹽。皎潔麻衣舉輕袖。繽紛柳絮舞虛簷。曉來倚牖窺西嶺。失却

崔嵬寸碧尖

又和前韻二首

雪入詩思懷鄭縈駕言秣馬膏其車依佈落地九天月彷彿生林六出花恍爾可迷銀世界璨然猶訝玉皇家才奇坡老北臺詠豈羨庭筠手八又

黃雲漠漠風漸罷白雪霏霏寒已嚴東武城邊生岷菓日新齋下布吳鹽孫康方悅繼燈影江泌誤須排月簷一夜孱顏今老矣翠眉

變作白眉尖

應茶寮之佳招翌日作詩謝之

避塵亭上遇佳辰分惠深欣厚意真昨夜正斟雙井水今朝忽得建溪春團龍破悶黃山谷浮蟻拂愁劉伯倫兩脇清風忘渴處襟懷襞積為君伸

富士山

士峯獨出眾峯巔六月雪花凝紫煙徐福縱然將覓藥蓬萊遮莫豈登仙白衣雙舞五雲

上。素。毳。高。翻。三。伏。天。炎。日。怒。飛。消。不。得。層。冰
千。尺。尚。彌。堅。

後園雜興

杖藜徐步上高岡。千里風光入一望。閑倚松
根思寂寞。緩尋芳艸立彷徨。江城粉堞接雲
表。管廟朱甍映夕陽。怡爾遊心天地外。紛紛
世慮總相忘。

次韻函三雅文即興

漆膠久要記平生。秋夜閒挑窻下檠。共語敲

推作青眼。每論條理有金聲。五更雨罷四方
靜。千里雲收一望清。月轉梧桐看不飽。露華
相映綴珠纓。

剛室和尚予舊識也。以世事紛糾。不挹

風采。有年矣。屬者幸蒙寵臨。猶如旱
之霖。渴之水。和尚投新詩一律。點無
俗氣。實出格外。情素之渥。才忘線襪。
漫賡謝焉。

霜。楓。襲。彩。後。園。秋。禪。話。未。闌。落。日。流。勢。作。推

敲依愈島。交為金石。矢揚尤。迷雲悟入同參。
雨明月昭回。解脫樓。相遇更驚俱。白髮烏髭。
過眼少年遊。

余挑燈讀書。常患飛蛾之撲滅。風雨之

屢侵矣。因命工新制燈檠。糊明紙。以

施四面。果無風雨之侵。飛蛾之撲。於

是寄一基於函三林兄。林兄謝之以

詩。千里川。八一章。珍吟不止。遂步韻。礎以和

答。二首。

新成燈格。寄精廬。照破堆堆滿架書。剪燼分
光。過半夜。焚膏繼晷。惜三餘。阿誰鑿壁對黃
卷。爭奈囊螢聚。碧踈不用溫公圓木枕。書生
元是眼如魚。

親炙燈檠。照學廬。眼青分得聖賢書。五更燼
盡。明將滅。四面紙籠光有餘。莫怕夜窻風颯
颯。何愁環堵雨踈踈。焰熒不為飛蛾撲。閉讀
殘篇。辨曾魚。

和為景雅丈元旦詩韻

玉曆新編年又改。緬懷鳳起列。鸞班華燈早
 設文昌殿。桃版初懸度。朔山霞彩九重先。滿
 眼天威咫尺不違顏。春風牖外梅花發。詩句
 未芳將訂頌。

尾陽參議光義卿見贈梅花一枝。漫賦
 川八一章。以寄呈几下。且期瓊報
 寄來梅蘂臘前新。探請韶光花有神。的皪纔
 看孤樹雪。慙慙分得一枝春。詩名高秀林和
 靖。玉色惟馨程伯淳。慚愧忽蒙佳惠厚。滿懷

璧積更難伸。賸浮銀燭夜。將酒仰看
 暮春望日。與朋友三五輩宴花下。即與
 走筆戲坐客
 有花有酒兩相宜。酒已闌時花亦奇。此日看
 花添酒興。今春銜酒問花期。花如珠也酒如
 蜜。酒入盃兮花入詩。一世愛花還愛酒。花之
 與酒我生涯

庭梅
 不待艷陽桃李時。庭前梅蕾獨分披。雪肌清

麗懷姑射。冰骨孤高比。伯夷。後苑向風香。萃
郁。踈籬迎月。影參差。我今許汝花玉號。砌下
先看南面枝。

次韻人見卜幽七夕

仙車轆轤七香浮。卧看雙星次第流。玉露灑
灑光印月。明河奕奕氣橫秋。耕兼織是農之
務。富與貴非吾所求。郭氏前知難肯信。天孫
何事下銀州。

再步前韻

鳧鴨龜魚水上浮。銀潢寂寂靜將流。仰看靈
匹佳期夕。遙憶明皇私語秋。天上促歸須有
限。人間乞巧不兼求。牽牛織女位分野。歷歷
東西辨九州。

龍尾

一派浪浪長自清。古今龍尾得其名。前鄰僧
舍馮夷宅。後濯凡塵空海情。噴作雪花飛皎
皎。激為雷鼓響轟轟。高懸白布三千尺。知是
天孫織得成。

春江閑鷗

漲碧江南野水肥。白鷗已泛思依依。桃花岸
上曝霜羽。杜若洲邊振雪衣。世遠地閑來得
趣。波平沙暖久忘機。暮春我亦服成後。與汝
雙雙共浴沂。

東西雲衢歸雁

低度春風帶夕曛。亂行鴻雁自紛紛。蠻烟瘴
雨高離伴。楚水燕山獨念群。叫破江南千里
月。飛翀塞北萬重雲。武陵遠客多歸思。嘹唳

哀聲不耐聞

七月七日

忽迎令節坐終夜。雲漢為章長竟天。暑氣已
微風嫋嫋。秋陽以曝腹便便。要知天上二星
事。熟讀幽風七月篇。牛勸耕田女勸織。武丁
浮說豈其然。

臘月十日夜雨雪積六七寸。翌日及午

止。黃昏攜四五輩遊後園

雪後後園工玉成。膠節佳興更勞行。瓊林月

落物無影。暮地花開。木向榮。薄暮驚寒。烏鵲
噪。長橋卧浪。白龍橫。預知宿麥。明年熟。餘澤
所覃。乳八紘。

萬治三年庚子正月在常陸元旦試筆

口號

二十年前常陸春。煙霞重慶。遇今晨。故園梅
蕾白。纔放河上柳條黃。未勻。詰旦願開仁壽
域。陽和布及我邦民。金衣喚起明窻下。既試
鼠鬚。祝令辰。

避暑

火輪赫赫輾雲衢。獨涉水邊孤杖扶。曾避蒸
炎。飲河朔。却疑羽化到蓬壺。松風發籟迎涼
曲。竹露侵窻消暑珠。林下無人。心亦靜。不知
長日影將晡。

花下宴

滿苑珠櫻映日斜。賦詩攜酒思無邪。臨春結
綺望仙閣。金谷河陽湘水涯。遊目怡神娛已
足。提壺挈榼興猶加。兀然忽醉玉杯裡。移得

一花為兩花

五月榴花照眼明

以題中一字為韻

五月紅榴動日華。珊瑚壓朶點無瑕。昔從西域遙移種。今在東方多著花。爽似燭龍臨綠水。灼如列宿照丹沙。滿山樹火映人面。彷彿胭脂嫩頰塗。

六月廿一日。明友三四輩。會我谷島邸。

樓上酒闌。漫筆簡座客。

谷島邸中樓兀出。尋涼一日。縱登臨。半天地。

迥眩望眼。萬里風清。閑遠衿座上。雅筵徐孺榻。檻前流水。伯牙琴。世紛相忘。偕論道。境靜不知炎暑侵。

次韻栗田筠齋書懷

小大誰言魯與邾。古今政務理何殊。已牽渭水赤鱗鯉。更釣桐江巨口鱸。伐木君臣求益友。席珍文世舉鴻儒。陽春白雪奈難和。終日沉吟閣鼠鬚。

常山文集卷之五終

常山文集卷之五終

...

...

...

...

...

...

...

...

